

宋詩紀事補遺

宋詩紀事補遺卷之十六

歸安陸心源伯剛父輯

趙中達

嘉祐六年贊善大夫知陝石縣事上騎都尉

涼軒

虛涼奪炎暑因此得佳名終日琴碁樂四時風月清
捲簾對山色欹枕聽泉聲桃李新栽植花開政已成

山西
通志

呂希彥

嘉祐六年贊善大夫簽書陝州節度判官驍騎

尉

涼軒

酷暑如何避虛軒落始成地閒氣易爽境勝目須清
月上簾色靜風來竹塢鳴公餘亦自適山水入琴聲

山西
通志

柳說

嘉祐六年秘書省校書郎守陝州司理參軍

涼軒

瀟洒幽軒好清閒令尹才庭虛走泉響門靜對山開
夏可捐班扇風如到楚臺羨君成吏隱終日遠紛埃

山西通志

楊冀

尙書職方員外郎嘉祐七年知衡州

浯溪

長安失馭頌聲泐

天寶十年

作者誰能刻翠岑大

業盡歸文老筆

次山

中興還死叛臣心天邊

奎壁垂茫冷溪上龍蛇倒影深

元次山作頌顏魯公磨崖書在浯溪之上

當日形容播金石洋洋千載有遺音

湖南通志金石畧

練定

字公權浦城人嘉祐八年進士除福州司理元

豐中南劔州軍事推官充三司檢詳會計司文
字紹聖初呂惠卿知太原府辟主管機宜文字
召對論事以尊主強國爲先忤時相出爲信州
通判崇寧間提刑廣西終朝散大夫與晁補之
朱長文唱和甚多

送程給事知越州

鑑湖蓬閣南州冠詔輟眞仙去總臨江上兒童爭跨
竹日邊鴛鷺惜分襟氣凌沙漠冰霜凜旌拂蘭亭雨
露深綵筆欲窮千里景錦囊先屈滿朝吟五雲鶴馭
聊棲息萬里鵬圖在尺尋玉殿叮嚀天語密未應閑

得子牟心

會稽掇英續集

沈希顏

字幾聖四明人嘉祐八年知零都縣督賦以寬
決獄以敏處已以廉御史以法

零都志

熙寧五年

比部員外權開封府判官以議行倉法升一任
為遼國正旦使六年提點倉場七年裁減官員
三千六百人減二年磨勒元豐中尚書主客郎
中都大提點在京倉場司

送程給事知越州

帝恩耆德帥江東銅虎分符錫我公侍從暫辭仙殿

祕蕃宣聊擁使麾雄過吳衣錦夸鄉曲八越寧帷廣
聽聰莫戀湖山經歲住早歸黃閣亮天工
會稽叢英續集
沈括 厲有

釣臺

漁釣非良業相期遜姓名太平雖不仕故舊豈無情
七里林泉好三公位兒輕片颿湍石下誰不仰先生

嚴陵集

許將 厲有

師子峯和程大卿韻

東山十里覆溪流遠客時時一望愁泉近榴花深洞

口亭開師子舊峯頭八州旗色天邊出三館芸香海上留南國共歌公所憩獨嗟無計奉英游

三山志

碧巖亭

舊室曾留古岸邊新亭同賞碧巖前日生師子峯頭木煙半榴花洞口泉黃葉八秋山出地白雲臨曉海垂天飄然蹤跡今何定別去江湖又一年

同上

留題徐眞君祠堂東西二室

上得山來過石門謁靈特地乞眞言再三許我前程事敢不留詩荷聖恩

留題積善院

爲愛山居樂居山又憶家菊黃來口藥梅白去時花
水閣離情遠霜晴別恨賒前程回首望空指暮天霞
上同

李詳

邵武軍光澤人嘉祐八年進士

熙春臺

地回仙島風光碧人在春臺笑語溫事簡民淳知帝
力時和歲稔荷天恩

又

簾珠虛明十二欄翛然身世尙人間怪來拾得無塵

句放出雲屏幾疊山

以上與地紀勝

董敦逸

字德授永豐人嘉祐八年進士歷知弋陽穰縣
有惠政元祐中爲監察御史徽宗時拜諫議大
夫極言蔡京蔡卞過惡遷戶部侍郎

句

鬱江清徹底十里郡城南

方輿勝覽

李鎮

武進人嘉祐八年進士

失題

古木直無巢野泉清絕釣

常州府志

黃顏

字擇中吳縣人嘉祐八年進士累官著作佐郎
知司農寺主簿

送程給事知越州

參天樓閣翠回環暫擁旌旄笑解顏久想高懷厭車
馬更緣吟興屬江山清時獨往逍遙地美政能成指
顧間行恐使膺宣室召都人期見捧書還

會稽掇英續集

張綬

字文結德興人嘉祐八年進士熙寧中權將作

監丞按實宋用臣不法事神宗直之歷朝請耶
湖南提刑崇寧初太府少卿蔡京議置大錢綬
力諫忤京以朝散大夫知洪州著有梅堂詩集

釣臺

范蠡功成始遁逃淵明五斗便辭勞先生二事俱無
一名與青山萬古高嚴陵集

瀉洪亭

潺二石磴瀉紅泉路躡丹梯入紫烟巖有高人無同

處菴羅雙樹碧參天

衡山縣志

游層巖

羣峯聳回環一徑上縈曲顧瞻得層巖摩豁鑿山腹
片雲雨雹飛勺水蛟龍縮淮昔乘興遊頗歎歸鞍促
念方困簿領敢不勤櫛沐四時各有趣一賞豈能足
竭來俯二紀經行徧四瀆每懷佳山水瀾僻聚燕蝠
高才茲南來勝賞欣所欲披尋到幽祕徘徊或信宿
忘歸須眾同寓意乃余獨泉聲快幽聽翠色明遠目
夕鳥歸且鳴牧牛駭而觸此得固有得何用論禍福
應同丁家興肯效窮塗哭堂下食張儀綈袍哀范叔
大任或感發一飯奚省錄郵筒奉佳篇兀坐聊躑躅
勉率繼高韻願同刊澗澳

湖南通志山川

袁默 厲有

季子廟

巢由高風不可及後世家邦皆子襲東周不競諸侯
強中原未許干戈戢修盟歃血二未乾稷草離二戰
鬼泣閭廬釋楚夫槩奔公子糾殺桓公八兄弟之間
寧固多旦正衣冠暮成執前規舊轍不遠人嗚呼季
子其肯立吳民猶有德吳心廟貌相望在封邑懷古
令人憶慘悽日落疎林風習二

君山

君不聞吹簫得仙雙帝子宅門蔽牌金書字又不聞

馬家堂宇色未昏宅門題作奉誠園古來將相多高
第今不爲園卽爲寺吾觀黃歇相楚時豈意異時真
似此晚周諸國勢相傾齊趙信陵爭下士何術能令
楚復強三千賓客多珠履一旦不謀毋望人身亾家
破神朱英嗟乎義士謾如許得失何異一老兵吳墟
索莫故城在庭殿但聞鐘磬聲猿哀鶴怨松風裏遺
恨江流終未平

釣魚臺

將相寧有種屠狗飯牛皆可用富貴出長年勿謂暮
塗吾倒行先君太公望久矣日老渭陽心以此君臣

相得漁獵間廊清八表公名起奠鼎扶周卜世長洋
洋齊封二千里曹公黃相俱塵埃至今猶有釣魚臺
苔侵石剝夕陽裏滾二寒江潮去來常州府志

惠山

山翁自合老林扃小有天中盡杳冥兩面樓臺驅作
勢半崖松石倚爲屏雲歸洞口紛二見泉入池心細
細聽勝景深藏誰到此好須圖繪入丹青常州府志

白龍洞

開元年中關輔旱靈岳神祠禱幾徧少監馮生能畫
龍明皇命試新池殿落筆蜿蜒勢未已素鬣冰鱗濕

如洗池波洶湧雷電驚雲氣之門白龍起吾觀馮豈
作霖人畫龍能雨疑有神深山大澤多窟穴不應杳
眇不似真澄江接海連空白泓深當是神龍宅螭虬
狡獪非其倫河伯江妃敢驅役霜鎖煙關晝不開時
傾膏雨蘇民災一鑪香火動誠意風馬雲車天際來
吾聞澤國多水患淮甸地乾多苦旱願均神力遍四
方無令水旱常相半

石女冢

君不見湘江不流湘水清悲風愁雨能無情靈妃寶
瑟聲未絕九疑雲鎖蒼梧深又不見霸陵路入新豐

道顧念邯鄲意悽惱夫人鼓瑟君爲歌北山爲柳吾
將老古來死者不勝計厯厯道旁猶可記人言梁女
好鼓琴琴心未許人知音高山流水聲已虛想像當
時足幽思九原可作誰與歸秋風蕭蕭草淒淒邱墟
之下多狐狸

秦望山

海上仙山與凡絕迢迢弱水不可涉鰲膺蜂準豈不
知長生不死心未滅雄伯關中亦一時并吞六國猶
指揮自矜功德愚黔黎驅山寨海疑有之吾聞盧生
言辟惡真人至又聞徐市言蓬萊藥可致願捕巨魚

連弩射史遷記此不及彼古老相傳恐真是岷峨一
夜失崔嵬裁耳山從蜀道來嗟乎六丁汝狂斐區區

爲役長城鬼

以上江陰縣志

陳軒厲有

清溪行

山色碧於溪扁舟泛落暉水烟颿界破沙鷺驚飛
島嶼隨流曲漁鐙隔岸微月明何處宿待訪子陵磯

憶清溪縣

昔愛清溪景人烟百里間湖居皆釣客郭外盡禪關
酒市搖青旆公街枕碧山枉教成久別無計約追還

憶雒山書齋

松陰江曲舊齋堂
別業歸來各一方
吟想晚潮烟柳
溼夢游春檻露花涼
楊朱路遠空南北
青帝亭閑自短長
何日揚鞭訪前景
竹窗重整讀書牀

桐江夕下

浪催鳴鷁去
嘔啞古岸蕭蕭感歲華
雨腳蒼茫驚斷鴈
烟痕濛密溼棲鴉
蘆花正落汀飛雪
楓葉初丹岸有霞
漸覺望中山色暝
數星燈火認漁家

以上嚴陵集

福州

城裏三山古
越都相望樓閣跨蓬壺
有時細雨輕煙

罩便是天然水墨圖

輿地紀勝

鼓山寺

門闕泉川南海浦地雄都府左龍崗

又

汀州

居人不記甌閩事遺跡空傳福撫山地有銅鹽家自給歲無兵盜戍長閑

又

一川遠匯三溪水千嶂深圍四面城花繼臘梅長不歇鳥啼春谷半無名

輿地紀勝

曹輔

厲有

劉仙巖

石磴仙巖路登臨莫倦攀
亂泉歸萬壑一日盡千山
嶂雨收雲後松風吹暮還
道人今不見無處覓元關

廣西通志山川

釣臺

天地何曾著兩雄
蜚龍飛去有冥鴻
北辰夜動雙懸象
南浦秋歸一釣篷
自昔何人繼高躅
至今茲地仰清風
悲涼古意誰能盡
落日江山醉眼中

嚴陵集

古秦城

海窮山盡尙南征
髀肉銷殘只自驚
回首長安八千

里此中那得有秦城 輿地紀勝

俞希旦

江南歙縣人徙居丹徒嘉祐八年進士累官朝
議大夫知潭州

題招提院靜照堂

檇李招提好新堂向靜開因名求定慧對鏡悟西來
夜席常留月寒階暗落梅師歸得真趣無復顧塵埃

嘉禾志

蕭竑

字立之尤溪人嘉祐八年進士熙寧中長樂縣

今縣有桃阮溉田種千石爲高苑侵占竝簿而
圖之立經界培隄岸爲斗門三溉田二十九頃

福建
通志

望江亭

滄波水上巔崔嵬中有幽亭向水開草色直連天色
遠風聲長送浪聲來雲收山腳雞園見潮滿航頭鉤
艇回咫尺市廛塵不到檻前鷗鳥自毵毵

三山
志

靈峯院

怪石參差蹲虎兕亂峯重疊走龍蛇

同上

關詠

嘉祐八年太常少卿知泉州改光祿卿秘書監
泉有市舶之候官州多市取其貨十不償一惟
詠與參軍杜純無私買竟以不察舉他官坐免
見聞書

高峯

獨愛高峯最上頭夕陽烟樹見嚴州子陵貪向溪邊
釣應未曾來此地游

嚴陵集

題左溪齊雲閣

白雲來軒戶清風生澗壑山僧不管春巖花開自落

義鳥志

李古

福建人嘉祐中進士

涼軒

古國遮雷首幽軒擁縣堂何須犀避暑不待草迎涼
瀟灑松筠地清虛水石鄉牛刀無所用高枕傲羲皇

山西
通志

任貫

眉州人嘉祐進士

讀書巖

一巖冷落高宗雨滿洞清涼吉甫風
輿地紀勝

李曼

字修儒四川射洪人嘉祐進士皇祐間知果州

熙寧六年知瀘州

題廣勝寺

寺隱藏山腹山高絕杳冥濃嵐春發黛岑塔曉開扉
嶺上雲無著松根扶有靈訪求忠武迹不復見丹青

山西
通志

孝婦泉

崖深經夏不融雪江濶架筍難入城

輿地紀勝

董英

嘉祐時人進士

孫氏池亭得小字

冥冥造化意似見元氣兆不然此中石詭怪安能了
刻劃如爲人幽奇若爭巧虎臥溪勢長龍存鼎形小
誅茅得此地勝概紛天矯東南引一水又出人意表
瀉溜無冬春湍奔極昏曉跳波駭潛虬濺珠漚飛鳥
主人去城市崖谷情悄悄澗戶雲溶溶山窗風嫋嫋
孤城重顏謝柱史才江鮑共美崖壑遊題詩石林

通江
縣志

程節

字信叔鄱陽人嘉祐進士紹聖二年廣西轉
使崇寧元年朝請大夫直龍圖閣權知桂州充
廣南西路兵馬都鈐轄兼經畧安撫官至寶文
閣待制著有竹溪集

教授推官出示米元章詩詞翰俱美三四讀
而不能休敬書二十八字謝之

萬口口南泮水遙清風來拂瘴煙消袖中突兀龍蛇
出聊憫天涯久寂寥

廣西通志金石

程之才

字正輔眉山人士嘉祐進士官廣南東路提刑蘇

軾母成國太夫人程氏之姪初娶東坡女兄早
卒老蘇公以爲恨事大不咸東坡兄弟以念母
之故相與釋憾坡之南遷時宰聞其先世之隙
以正輔爲本路憲將使之甘心而正輔篤中外
之誼周旋甚至

碧落洞

名因物之累物嘗不厭名標之曰到難日有車馬聲
蒼崖匪鑱鑿洞室百步宏潛龍想鱗鬣石乳懸旒纓
溪流湛其中吞吐日月精其源咫尺耳盥濯未嘗經
我來先振衣色變水石清倚杖聊四顧高低古今銘

頗恨轍迹多不益雲蘿情西南有複嶺煙霞晝晦冥
呼僧指問之山外或小平茅茨構石壁兔鹿渾微生
沈吟幽棲地雅興宿志并何時一椽屋散髮八巖坳
脫畧五千言坐忘六尺形看雲會所適以此休餘齡
廣東通志
山川畧

次東坡碧落洞韻

粵從度嶺來日見亂山橫觸目皆荒涼寧復樂事并
誰謂亂山間僊境通玉京奇怪如鴈蕩清虛勝赤城
嵌空幽且深層曲無欹傾巨禰萬仞高天造妙難明
懸崖攢滴乳澗水清濯纓我來洞門開山意如相迎

熟視石壁字神清喜勿驚回思紫陽山追隨許宣平

韶州府志

楊邁

劍州人嘉祐中進士官至左朝議大夫直秘閣
主管環慶路畧安撫司公事

下巖避暑留題

古寺重來興轉添
舟中午暑正炎炎
野僧引客登山閣
樵子穿雲放水簾
熱得清涼身暫健
老便閒靜意難厭
人間劫火方撩亂
法雨何如爲普沾

夔州府志

虞策

字經臣錢塘人嘉祐進士歷官光祿卿戶部侍郎宋史有傳

滌慮軒

禪翁自說逢迎嬾向此開軒最所宜地僻風塵非我事
夜深水月幾人知沈觀萬境皆無物笑指三乘亦有爲
行客暫來良自省不堪勤瘁鬢成絲天台續集
水止無逸

歷知隨州伐檀集嘉祐時官郎中成都轉運使

題涪江雙魚次劉忠順韻

誰將江石作魚鰐奮鬣揚鬐似戲蓮今報豐登當此

日昔模形狀自何年雪因呈瑞爭高下星以分宮較
後先八使經財念康阜寄詩褒激守臣賢

石刻

趙諮

嘉祐中東川節度推官

過越

地有千巖與萬津霸圖無計老青春抱冰謾刷棲山
恥爭奈傾吳是婦人

會稽掇英集

李鈞

嘉祐間官温州郡守

同林介夫遊梅雨潭和韻

欲追河朔一時遊曾效蘭亭泛曲流聞說仙巖爲絕
勝喜同高客共探幽清風未挹先蠲渴靈地將登已
覺秋幸有兵厨三雅醕論文應飲百杯不

瑞安縣志

林石

字介夫瑞安人少有志操天性至孝初習進士
聲律旣而曰古人之學不如是也遂沈酣諸經
絕意仕進嘉祐間與郡守李鈞邑令趙岷唱和
建中靖國元年年九十八無疾而終世稱塘奧
先生

遊翠陰洞和朱履常韻

松桂擢危岑烟雲晝亦陰洞門雖不鎖誰測洞中深
東甌金石志

登福全山

嘗聞陶隱居經行到茲地君王屢飛詔高尙心愈厲

一幅畫雙牛誰人知此意

溫州府志山川

遊梅雨潭

去夏曾同潭上遊蔭松坐石濯清流論文聲雜飛泉
響話道心齊遂谷幽盛暑忽思尋舊好煩襟頓覺似
新秋也知人世多餘暇能更重爲勝賞不

瑞安縣志

李昭述

字仲祖深州饒陽人昉孫第進士官至尙書右
丞贈禮部尙書諡恪宋史附昉傳嘉祐乙亥卒
年九十九見胡文恭集

書用師菴

架泉龕石構幽棲竹樹陰森鎖翠微珍重支郎得高
趣一庵一榻自忘機

送張待制知越

嚴助厭承明東南抗使旌箕裘漢相子屏翰越王城
勝概須留賞僊舟莫計程湖光八百里風月有餘清
以上會稽掇英集

孔陶

道輔子孔子四十六世孫嘉祐中尚書屯田員外郎

送梵才上人歸天台

飛錫來窮岫馳聲滿上京衣從麟德賜詩八集仙評
虎老文彌炳松孤格愈清投人夜光寶按劍阻頻驚

天台
續集

王企立

嘉祐中長樂縣令

松石峯

老樹陰中閒日月小池波面醉家鄉

三山志

翠亭

嵐光入座茶甌綠海氣逢春柱礎腥

同上

王振

字敏中嘉祐間知安溪縣

和陳述古仙居巖老堂詩

政暇此觀書心閑渭水漁宛然山叟室移入縣庭居
雨寄羣峰秀風生一谷虛我朝求治切好願臥龍廬

天台
別編

黃知良

進士嘉祐中太常博士見臨川集葛源墓誌皇
祐間通判邕州累官知臨江軍

題延慶院

松竹冷交陰蕭森靈寶林門依青嶂靜僧隱白雲深
淒切泉噴玉莊嚴地布金龍湫申致禱朝夕冀爲霖

天台
續集

方蘋

字仲禮嘉祐間以大理寺丞知鉛山縣事鉛山
俗尙鬼病者聽於巫不事醫藥蘋力禁之歲旱
禱雨驚湖神雨立至劉焯爲文記其事歷官南

康州守

王大令高移需巖王隱居鴻手植木樨於郡

庭賦詩以贈和黃通判異韻

分將翠色來零邑倏爾清風植府庭先生高臥何由

見想在漁舟弄紫萍贛州府志

顏復厲有

寄雲門運禪師

句谿曲曲剡山重誰訪桑門物外蹤超世有言皆實
際示人無意在機鋒平生懷抱佳高遜壯歲衣冠鎖
俗容每想清禪心暫寂秋聲蕭瑟夜庵松會稽掇英集

辛巢父

嘉祐中知壁州

孫氏池亭得暝字

探幽地頗深夾門竹相迎八林巨石蹲虎豹勢如競
繞園松桂立越澗藤蘿映架樹各一亭臥查通三徑
傍谿無叢薄盤磴織埃淨東流避廻岡卻淀爲天鏡
石龕存銘記傳有水仙行孤鶴控不還千年迹遺聖
其驚奇怪狀誰酌造化柄茫茫思空山瀑布招遠聽
經生據梧久爲此蒙養正黃老非我言寒泉與心瑩
往來閬樵牧無悶心寥曠籬邊飢鼯啼階下潛鱗泳

觀游枉柱史恬漠符真性

通江縣志

晁端受厲有

清風亭

物外林泉靜閑中日月長清風颯然至可以傲羲皇

無心亭

地與市朝遠雲藏山水深長令有心者到此自無心
輿地卷四十二

盧藏

字魯卿河內人嘉祐中潭州湘潭縣主簿權永

州推官

永之東南三巖相望穿堅貫險外峻內夷渟瀟
之間號爲佳絕火星巖嶄嶄亂石恠聳于傍曲
縈斜通後瞰山腹往時黃冠師宅其側塑火星
像爲人祈福今宇壞基存緇徒構宇 於朝陽
巖後阜前江呀焉淵邃旭日始旦華粲先及小
亭巋然立于右岸澹山巖依山而上緣穴而下
深入虛廣踰數十畝秦始皇時周正實之居今
爲佛圖山富竹樹澹竹爲多其後斜穴百步迤
邐而出捫蹬石復有小巖大底永山類多巖穴
茲三者爲極勝至者賞其外塵坐而移寒暑也

予嘉祐丁酉二年被臺符承幙中乏四月始到
永未幾通厯所謂三巖者且酷愛澹山虛廣遂
礪其巖石惣刻三詩偶漕臺俞公按部游巖遂
持詩以丐賡屬公好奇博雅旣賞會于巖下又
從而繼其聲焉其從游者題名于別石時六月
六日也

火星巖

巖扁瞰羣阜疇昔道宮隣熒惑標名舊浮屠締構新
石寒長滴乳池潤不生塵吾到期深入虬蛇勿噬人
朝陽巖

瀟湘峻岸傍巖穴號朝陽全會江雲勢先分海日光
高深驚險易冬夏返溫涼誰肯弃塵世探窮仙者鄉

澹山巖

誰開仙窟宅非與眾巖倚樹響晴飈雨嵐涼夏變秋
禽靈啼復斷雲惟吐還收深羨羣僧住嗟予莫少留

湖南通志
金石畧

宋詩紀事補遺卷十六男侍讀銜內閣中書樹藩校

宋詩紀事補遺卷之十七

歸安陸心源伯剛父輯

盧重華

嘉祐中攝監察御史

孫氏池亭得變字

辭榮將習隱方寸自交戰及到隱者居釋然遺企羨
林巒長往地竹樹棲心院散石龍虎羣瀑流風雨濺
寒潭開半壁澄澈含方面浴鳥林上聞飄雲水中現
劇憐形勝絕不覺登臨倦苔蘚屢染衣藤蘿或網弁
憑高閱古今感激收言讌不慮山川改但傷時物變

人生有通塞運往無貴賤竟夕洽清幽吾將超元鍵

通江縣志

徐大方

字冲道嘉祐中以司刑權永州熙寧三年以國

子博士通判汀州

遊東禪寺

溪流口口韻路入口口根劉阮口口蕭疎松石門

長汀縣志金石

朱詩

嘉祐中尚書虞部員外郎權知岳州軍州事

寄長慶寺長老瓊師道契

住持傳法者自有祖家風一言決洪濤四海雲從龍
橫身六合外萬象皆虛空易此而就彼探月澄波中
臂然心亦然於法難爲功宗師滅貪癡乃可化凡庸

平江
縣志

吳覲

江陵人嘉祐間通判泉州累官尙書水部員外
郎充成州團練使定國軍節度行軍司馬

題韓左軍馬圖

韓公画馬稱神筆矯首昂藏山鬼泣眼明見此飲馬

圖乃知桀度不可軼定嫌昔日徐庾體渴驥奔泉超
法律騏驥驂騑志千里屹立天閑甘伏櫪氣勢相宜
適操縱肉骨兼勻稱肥瘠世人但以驪黃求翠駁玉
花煩剪剔苦論右軍愛驚趣知公愛馬應成癖山陰
道士不換經已悟黃庭養生術持將此卷參馬祖待
須一口西江吸

書畫彙攷

田穰

嘉祐間澶州人

題白鶴泉

兩儀始融結中有靈岩川佛現青蓮相山分白鶴泉

澄清通舜井湛潔滉堯天鞠氏留題後非才繼此篇
靈巖集

朱元瑜

湖北安陸人好爲詩仁宗時官知縣

句

嚼梅香襲齒攀柳綠藏巾

王得臣
塵史

陸子城

嘉祐時人

和孫氏池亭

斷崖青松林林下覆烟草一徑捫綠蘿數里尋芳藻

巖開野人屋結構憑孤島石斷寒泉流亭幽翠巘繞
攫拏龍虎狀宛若鬼神造隔崖聞湍聲當窗見夕照
巴南絕景處勝似東溪好萬籟清心胸孤雲豁煩惱
樽邀驄馬客寫物窮探討琴匣閑時開柴門不須鎖
孰云造化工永與天地保長揖謝王侯塵氛徒浩渺

通江縣志

許廣淵 厲有

普照院

亂峰環合處中見古精廬萬象畫不到數僧閒有餘
嶺雲時聚散松竹畫清虛自辨山泉後多來長者車

惠濟院

建刹基千古凌雲閣數層成羣皆舊衲那箇是真僧
未滅惟心火長明總佛燈泉靈名惠濟濟物有時增

羅隱宅

廢宅百年後荒基一畝平獨憐新檜栢誰識舊軒楹
閭里清風在溪山秀氣明當時苦吟夜應使鬼神驚

陳氏園

今日青蕪滿當年碧瓦稠軒楹無寸木池沼有殘邱
過客嗟啼鳥居人竟牧牛子孫誰秀穎念祖力重修

葛溪

稚川仙化後溪以葛爲名水激翻空白潭空到底清
山多晴倒影雨過夜添聲月滿寒光入魚龍患太明
放生池

天寶當年寺魚池此日存溪移古岸腳殿壓舊山根
月照霜鐘遠風開霧閣昏千頭看戢戢生意滿乾坤

葛仙井

葛公高隱處鑿井碧山前鍊就長生藥空餘白乳泉
鼎藏今去水氣吐舊成烟午夜風雷作人疑羽珮旋

杜公井

幾處城中井標名孰與倫異非深百尺功在活千人

大旱流皆涸甘泉惠受均無情知水石誠發應如神
說龍洞

山遠洞難窮相傳舊隱龍蟠泥知幾載穿石見遺蹤
靈骨巖中換陰雲日下從鄉人祈旱歲歌舞尙虔恭
碧沼寺

寺構千峯上門通一徑幽靜心無物亂清耳有泉流
樓閣先知曉園林預覺秋因君題秀句卻省昔年遊
和徐令南新道中

嶮嶺通小徑湍水度危橋茶女巾蒙髻樵人斧插腰
鳩鳴春晝靜鶯轉曉林嬌令尹求民瘼行行聽路謠

和晁令首夏道中

山盤村曲曉烟迷
晝靜新禽信意啼
風斂雨痕千嶂碧
日烘蠶箔萬家齊
葉憐綠密眞成幄
花惜紅深又落泥
氣候宜人尤解倦
夕陽歸路遶長溪

春日游隱居寺

荒村十里居人少
中有僧廬挂隱名
高閣截空霜月古
羣山臨檻竹風清
潺潺鳴溜將心滌
豔豔新花共眼明
珍重肩吾能自適
嘗招詩友避喧行

廣福院

溪光山色照天晴
開豁襟懷遠眼明
每日風清生竹

韵有時雨過沸灘聲夷猶水上漁舟逸奮迅簷前燕
翼輕珍重老僧無箇事坐觀羣動競經營

烏伊軒

軒開環列萬峰青門對烏伊遂榜名一燈樓臺憑檻
盡半溪烟水捲簾明爐香晨起浮雲篆松韵時來雜
梵聲峻極祗宜長閉戶如何持鉢入東城

新城志

許仲蔚

厲有

葛溪

一道碧琉璃靈源杳不知寒通鍊丹井潤接放生池
釣叟相從處仙翁有到時徘徊無所見月艇去猶夷

放生池

唐家舊佛寺樓閣影參差魚散不知處水流無斷時
山光朝暮變人事古今移惟有好生德恩波長滿池

葛仙井

青雲路在天鍊鼎亦徒然九轉果何物一泓空舊泉
競知丹可煮不悟骨非仙汲引殊無狀翻思葛稚川

廣利廟

遺靴存故事碑斷不知名老木合雙抱荒祠閉數楹
編民陰有賜神像凜於生簫鼓寒溪上歡呼賀歲成

白雲庵

雲本山家物茅庵相就居竹扉閒自掩烟爨冷無餘
嶺上來還去風前卷復舒禪僧卻應笑擾擾竟何如

南山

青山疊疊水重重古道纔容正馬通飛鳥自由啼晚
照落花無著趁春風巖前積靄參差綠天末餘霞點
綴紅一一廣陵如在眼詩壇誰敢較英雄

新城志

張立

新津人蜀後主植芙蓉于羅城上立作詩諷之

人謂爲詩諫

見十國春秋

能墨竹蜀中多其畫跡

見圖

繪寶鑑

蜀平八宋仁宗時官大理寺丞直定府參

軍見宋元憲集外制累官廣西都監儂賊陷十二州據邕州立死之辭色不變見粵西文載

孟昶故宮

四十里城花發時錦囊高下照坤維雖粧蜀國三秋色難入幽風七月詩

去年今日到成都城上芙蓉錦繡舒今日重來舊遊

處此花憔悴不如初

成都縣志藝文

錢景臻

忠懿王曾孫暄子尙仁宗女官右領軍大將軍加儀同三司南渡後封會稽郡王宋史附惟演

傳

送僧歸護國寺

天台多勝槩落日亂山青不侶三峯好樓臺入翠屏

天台續集

吳傳正

官寺丞仁宗時人與邵康節唱和

寄邵堯夫

從此天津南畔景不教都屬邵堯夫

擊壤集

龐籍 厲有

送餘姚知縣陳最寺丞

宋詩十七
八
需頭章薦重方底詔除榮人比鳴琴令官參夢馬卿
孤烟吳地景濤驚浙江程美政應天報姚虞舊俗清
會稽掇英集

嚴子陵釣臺四首

翠岫臨寒瀨先生老此中釣耕輕萬乘要領戒三公
入宿星躔動歸來世網空何人知此意千古激澆風
道閉寧濡足時平亦括囊故人登世帝清瀨自吾鄉
渭叟非真釣商奴是詐狂先生不可問天外一鸞翔
聞箇狂奴足生平在草萊不榮升帝腹寧自蹈魚臺
步武中朝下骭胼故國回滄浪重一濯京洛有塵埃

長天杳杳道冥冥一士孤風達至精雲若有心應有
著魚緣輕餌是輕生何人楚澤三年放此地家灘七
里清應宿將臣皆列土未將烟水博功名

嚴陵集

馮彭年

仁宗時杭州人尹和靖有晚春寄彭年茂才病
中謝彭年見過送彭年赴舉諸詩

賦新繁周表權如詔亭

先生教子作通儒詩禮親闡伯鯉趨亭構義方名昔
著詔頒封爵語今符榮因慈孝家聲振默契絲綸寵
數殊善慶誰能肩懿躅賢哉奮達美相須

成都文類

張伯玉 厲有

寄毛都官

寄問副車毛國鎮別來風味久如何蓬萊閣上誰全
飲宛委山前幾番歌番去聲應向蘭亭摘彩筆曾教西
子画清蛾若還問我今何似比著前春醉更多

清思堂曉雪初霽望飛來山

密雪曉初霽朝陽靄融融隱几高堂上坐對飛來峰
梵塔倚天半樓臺出烟中峩然金銀闕瑰碧交玲瓏
漸轉皎日高杳杳聞疎鐘天和發秀彩灝氣如騰虹
沉子世慮疎久矣淳心胸更臨物外趣愈覺萬緣空

州宅 并序

余嘗愛越中山水然未之遊慶厯初從事蘇
臺時范吏部自丹陽徙會稽余贈以越州詩
云何當獨把釣竿手笑擁一艘東去遊其時
但欲放曠於漁樵間耳至和中出倅新定越
守王工部新葺蓬萊閣成畫圖來乞詩余答
之云會須長揖浮丘伯醉聽銀河秋浪聲又
欲爲蓬萊客耳去年春久病省中因乞此郡
聖恩得請懷二千石口來遂爲主人矣昔元
微之在越有州宅詩樂天和之余雖非其流

然所居所得一也因暇日登覽輒賦一章書
於屋壁仍以寄王范二詩追次焉聊且道主
人之所適兼得以寫吾疇昔之好云

萬疊湖山烟水濱朱門画戟閒松筠登臨不踏紅塵
路燕寢長居紫府春晝靜欲驂風外駕夜寒疑是月
中身我慙白首方懷紱猶得蓬萊作主人
案吏謫居猶得住蓬萊
元詩云我是玉皇香

贈范吏部

海天東下越王州碧城繚繞環山丘春晴紫翠堆綺
屋日暮烟雨藏朱樓禹祠花底金穴峻賀老門前銀

漢秋何當獨把釣竿手笑擁一艘東去遊

答王越州蓬閣

書報蓬萊高閣成越山增翠越波明雲收海上天地
靜人在月中金翠橫游女弄芳珠作珮仙人度曲玉
爲笙會須長揖浮丘伯醉聽銀河秋浪聲

蓬萊閣醉歸

蓬萊閣上醉歸時猶索芳樽步步隨啼鳥似來留翠
佩旁人笑爲整花枝腰間半鞵黃金印頭上斜欹白
接離拍手向他賓從道使君未老莫扶持

西樓晚望

疊岫斂餘霞輕舸簇遠沙斜陽媚城郭細柳雜汀花
兩兩聯歸騎蕭蕭趨暮鴉誰知故園興閑在使君家

逍遙堂寓興

疎竹間花陰了無塵土侵旌麾千騎長風月一堂深
海氣生吟榻烟香披醉襟山翁方自得莫問去留心

小樓獨酌

老去春來事事慵春陰獨酌小樓中一千里色江南
岸二十四般花信風祇有溪山迎醉目更無塵土倦
樊籠鷓鴣自得誠堪笑詩有餘狂酒有功

清思堂晝坐

堂上蕭然晝戶開
澹松疎竹蔭蒼苔
白雲無事不肯
出幽鳥有時還
自來何處覆車
迷徑路幾人緩
頰走塵埃
支離得意誰知我
自對庭花引一杯

西樓早望

纖纖初日射西樓
樓上簾旌卷繡鉤
數襞斷雲秦望
曉一聲寒雁鑑湖
秋烟波憔悴西施
國風月飄零范蠡
舟莫向登臨動懷
古有情多爲等閑
愁

蓬萊閣閒望寫懷

越絕開華國
姚虞啟後昆

案州圖上虞餘姚蓋舜之後

昔聞句允

霸今作帝王藩
地得東南重
山作岳瀆尊

周官東南曰揚州其

山鎮曰平湖來萬壑翠袖列千門市井魚鹽合居人

組繡繁牙旗開物表州宅倚雲根州宅在臥龍山上六郡趨

麟節會稽東部總六州徵之三峯出雉垣中有臥龍

焉秦游前事廢禹畫舊書存雁鶩來還去鯨波吐復

吞菱歌秋漱遠江信暮潮渾石古寒松偃樓危晝靄

昏冷光濃可截秀色淨無痕露嫋還堤柳風飛列寺

旛深林藏杞梓芳徑雜蘭蓀巧笑花爭豔嬉遊玉闌

溫画船鵬鷁迅絳袖綺霞翻有意皆行樂無憂可蒔

萱鄉惟知俎豆士亦賁巨樊巨舶連艘至交衢百貨

蕃敲冰呈巧手越俗呼敲冰紙匠爲巧手織素競交鶯繒綺最盛也

圃紅柑亞通畦紫芋蹲茶先春入焙

臥龍茶冠吳越

筍帶雪

黏盆

經冬食筍

異莠隨時圻清香觸處歆吳趨斯種蠡楚

些陋湘沅往事圖難盡前修孰可援風流王與謝唱

和白兼元顧我棲儒寶胡爲屬使難迂疎非吏法寔

淺是辭源謬覽先生策誰調伯氏墳翦裁遺幅尺追

琢昧璵璠學術何曾取名場輒屢奔

余謬擢進士第又登拔萃科

技甘同鼯鼠化敢望滇鯤將幕閑留滯

余從事太鳥原凡八年

臺誤選掄埋輪慙避俗折檻畏當軒坎壤人奚顧羈

孤舌但捫愛書疑有癖怕事欲無言薪米支離叟蹄

孟炙轂長一爲華省吏三駕使君輶

余於今三領符竹 躋蹕

慵成性龍鍾病愈憊因懷邸中紱來訪道山園

賀監舊宅

稅鞅紅塵外班條碧海垠披襟澄沆瀣緩帶滌潺湲

樂歲歡康洽高賢禮讓敦

到郡應值府學方成

南宮羅俊彥東

箭藹瑤琨退食求澗弊吹毛析滯冤庖刀怯餘刃欄

劍喜平反重祿容虛受期民肯憚煩問賢思水薤教

俗養雞豚穠稔西成稻迢遙北海樽吏符多鶴立僚

友盡鴻鸞詎聽棠陰頌聊祛飭訟誼行歌齊擊壤坐

嘯比啼猿洞遠宜招隱時清恥叫閭嘒嚙揮醉筆偃

僂曝晴曦躡險齋長屐尋幽叱短轅窮通方自適語

默且休諭厭把詩筒發欣逢酒甌掀桔槔肥果茹竹

馬戲兒孫以此爲官業何由報主恩冰霜徒勵操淵
谷可驚魂蕙帳羞逋客庭貶鄙素餐行當解簪紱歸
老白雲邨

春日登望海亭

望海亭前春色深風光澹澹海沈沈潮如世路來還
去山帶城蕪古到今坐見微雲生別岸吟驚幽鳥起
層陰勸君莫苦憑高望驚動子牟千里心

西園醉歸

向晚西園飲乍闌山公酩酊上輕鞍東方千騎隨車
出南國佳人夾路看縱目漸迷山色遠迴頭猶憶水

聲寒歸來未放賓游散更賦新題刻燭觀

鑑湖晚歸

會稽太守無事時緩帶長作漁樵嬉大航平榻引賓
從談笑晚從湖上歸湖邊居人望簇簇湖岸花木情
依依環峰崦靄天四垂淥水蕩漾雙紅旗城頭疊角
已平西船上樽酒含餘輝冷風徐引江鵠飛白雲迴
首清猿啼漁謳菱棹烟火微使人卻厭千騎隨歸來
樓閣上燈後時覺天風清滿衣

會稽山

稽山何崔嵬莫此東南區羣山狀趨附萬壑流縈紆

疇昔大禹來簡計天下書諸侯率麇至萬玉爭昇越
防風獨強梁後至行趙起天威不可捨敗骨盈高車
至今憔悴烟慘澹藏封隅封隅山防風邑遂令百世後尊王
無異圖乃知聖人心賞罰盡貽謨

五雲谿醉歸

每日谿頭醉臉紅歸來庭院夕陽中依稀聽得家人
語扶起五雲谿上翁

書應天寺壁

此山名飛來云自琅琊至

城郭鏖山林自無塵土侵一峰來海上高塔起天心
世路有盈縮靈泉無淺深塔西北楹下有石泉一泓歲時無增減使君

今老矣閒處得閒吟

題禹廟

寶穴千峰下嚴祠一水傍
夜聲滄海近秋勢越山長
薄葬超前古貽謀啟後王
萬靈何以報終古詠懷襄

早謁禹廟

曉出五雲扃皎日麗初
闕宿霧斂
闕

嚴祠款靈拂衽天風散不聽
闕

九日蕺山戒珠寺戲呈僚友

秦望山前曉雁斜蕺山雲外看黃花
誰能帶芥關心緒且插茱萸伴物華
歲計簿書寧有盡日生公事了

無涯樽前況有兵厨酒不待兵厨酒亦賒

遊大禹寺迴馬上口占

永日躋雲峰向晚下秋巘卻望碧城中樓臺翠烟滿
前旌擁歸騎緩轡徐馭穩曠望寫予心平波海天遠
顧予疇昔志本以鋤犁挽敢望麋鹿資邁此雲龍旦
金門容竊步玉殿叨靈睭某爲先帝御史時登殿啟事復此千騎
來日逐紛華戰平生知退意長畏歲月晚行當引初
服還把芟荷翦

再題州宅

昔覽微之州宅篇待將屏障寫山川更看白傅明月

句欲上高樓跨紫烟
元詩曰四面無時不屏障
星斗旁六郡零落風騷三百年喬木自存人自遠可
憐香案舊神仙

訪禹穴至陽明洞

宛委山前熾畫船攀蘿漸入太霄邊因尋大禹藏書
穴深入陽明古洞天萬壑秋光含細籟數峯寒玉立
蒼烟寶函金篆久稀闕欲就皇人講數篇

送花趙提刑

蓬萊閣上牡丹開盡日凭欄望外臺不敢登門謁樽
酒且教山僕送花來

寄會稽刁景純學士

雨後稽山紫翠毫使君千騎壓雲鼇樓臺日暖花木
麗河漢夜涼絲竹高瀛館久淹騏驥足越人今識鳳
凰毛江南老守思離闕夢想時過白鷺濤

和國鎮晚秋齋中見寄

越國風光與眾殊貳車才調世應無晴樓對酌雲平
海夜榻分題月滿湖吟嘯江山君好手主張詩酒我
非夫行當乞挂朱輪去別作香山九老圖

得越

尺一除書與會稽陋儒何以報天輝豈惟大幕張紅

旆更得全家住翠微千騎晚隨龍節去一帆春送鷁
舟飛支離莫道攘空臂乞得越州金印歸

清明日

每年每遇清明節把酒尋花特地忙今日江城衰病
起佛前新火一鑪香

正旦呈諸僚友

拂霧醕酥酒滿巡越山如蠶水如鱗日邊雖望龍庭
遠海上初傳鳳曆新好景融融來破雪和風細細欲
黏人莫言老守無心計排比賓僚醉過春

臘日喜雪

臘雪常聞百厲銷今年臘日雪飄飄山公預喜明年
熟擘畫開春買酒瓢

以上會稽
掇英集

王敦城

晉氏開霸圖潛飛入堅壁夢日有餘祥留鞭無舊跡
雖矜錢鳳計終墮太真策不作忠良臣高城有何益
輿地紀勝

楊愈

仁宗時權河中觀察推官以奏薦擢太子中允
見蔡忠惠公

桐栢崇道觀

深入黃庭景徒思五滴泉青牛眠藥塢白鹿臥芝田
浮世人空老長生事宛然三尸飛不去皆是自留連
天台續集

韓億

字宗魏開封雍邱人登進士歷官參知政事進
尚書左丞太子少傅致仕卒謚忠獻宋史有傳

洋州

梁州隣左右洋川氣候融融別是天地僻過冬稀見
雁箐深初夏已聞蟬鄉風與蜀微相似驛路見秦舊
接連駱谷轉山園境內漢江奔浪遶城邊展開步障

藥花地畫出棋枰早稻田遠寺徑危攢迸筍後園池
冷軟飛泉秋深滿院芭蕉雨晚色臨軒薜荔煙南浦
採蒲當凜冽西溪踏石向暄妍夕陽道觀鳴鐘鼓夜
月人家奏管絃楊柳影中沽酒市菱荷香裏釣魚船
珍禽聽久名難辨新菓嘗餘味更全野渡潮平分淺
瀨羣樓雲散露高巔喧闐鼓吹迎神社狼籍杯盤送
客筵慈竹清筠霜鬪膩海棠堆艷火爭燃蒼崖險峻
應藏虎碧洞陰深恐隱僊妓女從游持翠蓋士流尋
勝攀香箋戚姬廟宇青蕪沒和相詩碑綠蘚沿三縣
俗淳宜靜理兩衙事簡可閒眠紛華度歲他鄉外嘲

趣終朝在眼前不爲近頒明詔下及瓜情願滿三年

漢南府志

裴士傑

仁宗時太常寺太祝熙寧五年庫部員外郎通判越州以阻礙新法降一官

和孔司封題蓬萊閣

山臥龍形閣枕山簷楹高起太虛閒風來宛訝鳴蕭瑟客至宜聞振珮環慙賞已能消濁慮久居應不老朱顏蒼烟淥水無窮趣絕勝塵紛走世寰

會稽按英集

宋詩紀事補遺卷十七

男侍讀銜內閣中書樹藩校